

渦陽風土記卷十五

渦陽縣知事古葉黃佩蘭撰

兵事

城父斬銍之間東蔽濠壽無名山大川限戎馬足田疇沃
衍足資耕屯渦肥舳艫尤便轉運上可以率三河豪傑北
定中原下可以據兩淮富饒進窺江表地處要呂勢屬必
爭而強悍之民其氣焰又足以召之五帝尙已禹誅防風
湯征葛伯著於近境究莫得而詳也魯史筆削以後其事
之見於傳記者

春秋僖公二十二年秋楚成得臣帥師伐陳取譙夷城陳夷

渦陽風土記卷十五

兵事

邑譙郡城父縣

十二年楚子伐徐兩次乾谿

乾谿在譙郡城父縣今縣治西北乾谿溝

十二年夏四月楚公子比自晉歸於楚弒其君虔於乾谿
公羊傳靈王無道作乾谿之臺三年不成楚公子棄疾脅
比而立之然後令於乾谿之役曰比已立矣後歸者不得
復其田里衆罷而去靈王經而死左傳王經二十年楚遣
太子居城父費無極日譏太子於王曰太子怨望居城父
城父司馬奮揚殺太子未至而使遣之太子出奔宋三十年楚使左司馬沈尹戌取
城父與胡田以與之冬十二月吳滅徐徐子章奔楚遂城
夷以處之三十一一年吳人侵楚伐夷哀公六年吳伐陳楚

子救陳師城父

吳伐陳復修舊怨也楚子曰吾先君與陳有盟不可不救乃救陳師於城父秋七月

楚子在城父將救陳卜戰不吉卜退不吉王曰然則死也再敗楚師不如死棄盟逃難亦不如死死一也其死難乎

庚寅昭王攻大
冥卒於城父 九年楚伐陳取譙夷

秦始皇二十二年李信攻平輿蒙恬攻寢大破楚軍信又

攻鄢陵破之引兵而西與恬會於城父楚人隨之三日夜

不頓舍大破李信軍入兩壁殺七都尉李信奔還王剪代將日休

士洗沐而善飲食士卒皆投石越距剪日士可用矣荆數

挑戰而秦不出乃引而東剪舉兵追之大破荆軍至蕪南

二世元年陳涉令符離人葛嬰徇蕪以東攻鉅鄆苦柘譙

皆下之二年臘月陳涉至汝陰還至下城父即今縣治其御莊

賈殺以降鉅人宋留將兵定南陽東至新蔡聞陳涉死降

秦伍徐漢書作伍逢將兵居許章邯擊破之董蝶與符離人朱

鷄石皆特起兵

渦陽風土記卷五 兵事

楚漢之交漢韓信彭越劉賈皆請進兵屠城父楚大司馬

周殷叛楚舉九江兵迎黥布並行屠城父

後漢建武二年帝幸譙遣馬武王霸圍劉紆於垂惠蓋延

等破劉永於睢陽其將蘇茂周建奔垂惠馬武圍垂惠克

之建安十四年軍至譙作輕舟治水車秋七月自渦入淮

十七年曹操南征孫權表請荀彧軍於譙

魏黃初六年魏主以舟師伐吳自譙循渦入淮

晉永嘉五年夏司空荀晞奉豫章王端建行宮於蒙城秋

漢石勒陷蒙城執荀晞及豫章王端元帝建武元年祖逖

取譙城降其塢主張平樊雅永昌元年石勒陷襄城城父

遂圍譙趙石堪襲兗州不克遂南奔譙城七年姚襄爲秦兵所敗帥衆來歸詔襄屯譙城永和九年殷浩自壽春帥衆北伐次山桑姚襄反浩棄輜重退保譙城器械軍儲多爲襄所掠士卒多亡叛浩遣王彬之擊襄於山桑爲襄所殺升平元年慕容儁遣大司馬恪進兵渡河掠地河南汝潁譙沛皆陷分置守宰而還三年謝萬帥衆入渦潁以援洛陽畏燕盛引兵還衆驚潰萬單騎還詔廢爲庶人於是許昌潁川譙沛諸城相次皆沒於燕太和八年苻堅敗玄率冠軍將軍桓石虔徑造渦潁經畧舊都

齊永泰元年魏攻齊宜陽齊圍魏渦陽以救之義陽圍解

渦陽風土記卷五

兵事

三

齊師亦潰

魏鎮南王肅攻義陽齊裴叔夜圍渦陽以救之魏主使將軍劉藻等救渦陽叔夜進擊大破之王肅請更遣兵救渦陽魏主曰少分兵則不足制敵多分兵則禁旅

有關義陽當止則止當下則下若孟表糧盡軍不及至致

尖渦陽卿之過也肅乃解義陽之圍與統軍楊大眼奚康

生等救渦陽叔夜見魏兵盛夜退裴叔夜率師五萬圍渦

陽師潰退守渦口

魏南兗州所鎮去彭城百二十里刺史孟表固守拒戰叔夜攻圍之積所斬級

高五丈以示城內又遣軍至蕭瑣成寶真分攻龍亢戎即

魏馬頭軍也魏城自守徐州刺史廣陵王率二萬人騎五

千匹至龍亢瑣等拒戰不敵叔夜三萬人助之數道攻魏

魏新營未立於是大敗廣陵王數十騎走齊軍追獲其節

萬級獲生口三千人器仗驢馬絹布十萬計魏主聞廣陵王敗遣都督王肅大將軍楊大眼步騎十萬救渦陽叔夜見兵盛夜委軍遁走明日齊軍奔潰魏軍追之殺傷不可勝數日暮乃止梁普通五年裴邃拔魏鄭城今潁汝潁響叔夜還保渦口

應魏河間王琛憚遂威軍於城父累月不進大通元年曹

仁宗伐渦陽魏遣征南將軍元昭救之梁前軍去城四十里至駝澗慶之與

麾下奔擊破其前軍還與諸將連營而進背渦陽與魏軍相持自春至冬數十百戰魏作十三城欲以控制梁軍慶之銜枚夜出陷其四城渦陽城主王緯乞降所餘九城兵甲猶盛乃陳其俘馘鼓噪而攻之遂大奔潰斬獲略盡尸咽渦流

魏永安元年梁以北海王顥為魏主年號孝基入據南兗

之銓城十一月以中護軍蕭藻為都督侵魏鎮於渦陽十

二月侯景率軍圍譙城不下反攻城父拔之

北魏太昌初魏軍追擊侯景退保渦陽紹宗士卒十萬鳴鼓長驅而進景命

戰士皆披短甲執短刀入東魏陣但低視砍人脛馬足東魏兵遂敗紹宗奔譙城裨將斛律光張恃顯復進軍渦水

渦陽風土記卷五

兵事

四

亦不利而還

東魏武定六年高岳等於渦陽大破侯景俘斬五萬餘人

渦水為之不流

北魏孝昌初宗室元法僧據彭城稱帝詔酈道元節制諸

軍軍至渦陽多有斬獲

隋大業十二年鹿邑民田黑社盜據渦州亳州城父人朱

粲號可達自稱迦樓羅王衆十萬渡淮屠景陵沔陽轉剽

山南僭稱楚帝

唐天寶十五年真源令張巡與城父令姚閻等起兵討安

祿山中和三年秦宗權略地潁亳慄銳慘毒村斷人烟乾

寧四年朱全忠據亳州天復三年夏四月楊行密遣將數萬攻宿州汴梁唐懷貞救之

宋開寶元年北漢潁州砦主胡遇春來降紹興九年金兵抵亳州北渡河張俊率諸軍擊之盡復衛真鹿邑等地十年鄆瓊在亳州張俊以大軍至城父都統制王德下符離乘勝趨亳與俊合俊引軍入城金人棄城遁父老列香花迎俊遂復亳州留統制朱超守之是年張俊遣王德復宿州嘉定十年宋兵攻金潁州焚掠而去十一年金宣宗十一月乙未紅襖賊李全掠宿州辛丑蠲宿州逋租十二月

紅襖賊夜入蒙城大掠而去軍民死者甚衆是年陳臺等

渦陽風土記卷五 兵事

州城父等縣盜賊蜂起樞府遣官討之捕盜軍所過殘民遣御史按察視所獲牛有司以錢收贖

金元光元年六月丁酉紅襖賊掠柳子鎮驅百姓及驛馬

而走捉控張禹追擊奪所掠還二年遣官分行陳臺唐鄧

裕諸州議民兵相聚立砦避兵 各巡檢軍相依者五千戶以上置砦長一員百戶增

副一員仍先遷一官能安民彈盜勸農者論功注授正大九年鎮安軍提控楊春作

亂城父令李用宜不屈而死 時軍兵四百人號鎮安軍皆紅襖餘黨變詐又覆朝廷終

以盜賊待之亳州節度使粘哥荆山至鎮悉籍城中丁壯為軍春畏逼乘夜掩殺新軍殆盡荆山走衛了春自為總

管屬縣皆下惟城父中統三年李璫反求救於宋將夏貴令李用宜不屈而死

自蘄乘虛北奪毫滕宿邳滄濱七州新蔡符離蘄利津四

縣殺守將張柔子弘畧率戰船過於渦口貴退保蘄弘畧發亳軍攻之水陸並進宋兵素憚亳軍焚城宵遁追殺殆盡盡復所失地

元至正己丑春城父縣達魯花赤伯顏率兵赴義門渠擊

賊爲賊所害

伯顏聞義門鄉塢下村賊白晝劫虜遂率弓兵赴救至白龍廟聞賊黨又掠福寧鎮之水

西村賊敗追之爲伏兵所襲轉奔福寧鎮境民兵不及十

援爲賊所害後人於伯顏被難處所塑像立祠祀之一年劉福通破潁州五月柳子鎮巡檢侯德源哨賊至亳

殺賊蘇元帥等男女一百一十餘人六月賊入城父德源

率士卒及義兵殺賊二百餘人於烏夏店及浮梁七觜等

村又夜燒賊田氏謝氏營砦數十處殺五十餘人遲明引

渦陽風土記卷五

兵事

六

兵入縣城城父人恃以爲安九月賊寇宿州土匪四起德源捕誅誦蓮經三百餘人於魯店十月賊王千戶犯臨渙燒民舍德源與戰於北門賊遁十五年韓林兒建都亳州二十六年明太祖遣將取潁州

明正德六年流寇屠蒙城楊虎作亂於亳武平衛指揮石璽百戶夏時擒誅之嘉靖元年流寇王堂作亂寇亳州十字河三十二年施南詔作亂掠亳州潁地震動崇禎八年正月闖賊圍潁州八月流賊老獬獬侵掠亳州九月流賊復攻潁州兵備副使謝肇玄與貢生李栩擊走之渡淮犯蒙城苗有才敗之於駱駝集十年流賊左衿王等犯潁州

潁營都司李栩設伏三里灣敗之生擒跳澗虎油葫蘆等
溺死二千餘救回難民七百餘人十二年春老獬獬掠潁
州秋復至十三年流賊袁老山寇亳州連營五十里焚殺
殆盡十四年袁老山盤據潁州潁上縣攻蒙城圍城三日
總兵劉良佐敗之十五年南五營賊潛謀奪潁州城義門
郭尙書智死之革裏眼左衿王等復謀入城郡判任有鑑
督民固守却之袁時中劫掠王老人集參將李栩死之有鑑
謀兵會勦黃得功引兵擊敗之追殺殆盡老獬獬等繼至
得功選精騎從潁西擊之亦潰去是年李自成陷亳州知
州何燹死之十六年亳州土賊房文字等盤踞民莊野無

渦陽風土記卷五

兵事

七

居民

清順治十年山東膠州兵叛侵亳州東境曹撫沈文奎追
滅之嘉慶十一年宿蒙教匪樊明揚等聚衆倡亂侵城西
南宮記寺經壽春總兵德承額撲殺之十八年河南滑縣
教匪作亂邊境騷動巡撫胡元家帶兵駐紮雙溝集防禦
歷代兵事見於縣境者其概畧如此夫提封旣當敵隧井
涇木刊原無可訴其狡焉以希冀非分者又復前仆後繼
慘莫之懲兩戒河山天若故留此方罫平原聚羣雄以布
戰爭之局史冊所載不可誣也乃有一二人崛起於草澤
之中搶攘幾無寧宇遞推遞潰而中華維新之政體實萌

芽於此尤生民以來所未有太史公曰世異變成功大其

信矣乎撚匪

江淮間聚衆打降諺呼曰撚又盜撚紙然脂毀室劫財即名謂撚

始事於咸

豐元年蕩平於同治七年擾皖豫燕齊楚各行省以雉河集爲老巢雉河集距亳蒙各百里政教所阻鞭長莫及撚首張樂行雉河東岸張老家入距雉河集十二里家數有蛇異一日風雨晦冥迅雷破門前柳巨蛇死而樂行生產室有硫黃氣母以爲祥因小字香兒兄弟三長問行早逝次敏行即張三即樂行宗禹爲樂行族姪席沃產數百畝暴厲恣睢即後漢書所謂豪家屯聚宗賊者也當其初也一良牧令防禦綏輯而有餘清末葉大吏多貪懦無能有

渦陽風土記卷五

兵事

八

司權輕率規避苟且而不顧其後咸豐元二年間饑饉薦臻龔得等橫行劫掠樂行族子楊曾率黨十八人赴永城掠羊百餘隻吏捕之獄時樂行販私鹽黃河北歸率龔得等萬餘人圍永城劫楊等十八人出獄衆依樂行自固樂行聲勢始大統領徐曉峯先駐西大橋舊屬亳州聞之駭遁三年樂行嘯聚雉河集山西會館祭旗起事時永城馮金標張鳳山亳州朱洪占陳起生鄧作仁尹甲王懷山孫玉標倪中平朱天保蒙城胡元衆張狗史鴨陳小愛江懷勤鳳臺劉洪立王之重宿州李殿元號十八舖自西陽集沿途搶掠潁州知州毛含煜遊擊武全蒙城知縣宋維屏各帶

兵勇追之於雒河集金標等勢窮旋由臨渙投誠宿州大營官軍駐雒河集焚鄒家樓賊巢匪氛稍戢以安慶金陵警報迭至官軍各歸守城匪勢又張二月欽差工部侍郎呂賢基兵部侍郎周天爵專辦皖省團練委員周某率投誠之馮金標等駐紮雒河集張樂行亦相率投誠

呂文節公之奉命而出也奏言團練防剿三事當分寄其任並致其力江北一帶擇精幹牧令稍假威權練本邑鄉勇因糧以守本境剿賊之事專責之統兵大帥統兵大帥駐營去賊百里外者立予逮問其實欽差並未轄一兵未携一錢賢者徒以名義忠悃相維繫倉猝捐軀無補時艱

渦陽風土記卷七

兵事

九

呂之殉難舒城卽其證也是年九月周天爵亦以憂鬱卒於王市集初周天爵遣張樂行等會壽州知府金光筋平土匪陸遐齡於北爐橋光筋以啞者縛遐齡解軍轅餘黨敗散張樂行等皆賞頂戴尋以餉項無着遣散歸籍仍舊搶掠居民從者愈衆五月粵匪李開方林鳳翔吉文光由揚州破鳳陽自懷遠渡淮蒙古副都統勝保尾追不敢深逼蒙城知縣宋維屏亳州知州孫椿先後戰死粵匪到處讐官而不害民市不易肆凡藏有印信公文者殺無赦革新潮汎漸染漸深匪膽愈壯七月宿州知州張清泉協鎮朱連泰剿匪於雒河集初戰不利游擊錢某以大炮擊之

賊始退九月蒙城知縣劉瀛階守備楊鼎金擊紀黑壯於
丁家溝相遇於小澗集西官軍敗績文生杜遐齡等歿於
陣十月徐曉峯朱連泰及團總張虎文趙行五攻雒河集
獲匪甚衆十一月回蒙城教匪張捷三倡亂於義門集徐
曉峯朱連泰奉命掩剿奪其大炮斬其子大鈴四年三月
兵科給事中袁甲三繼周天爵接辦皖省團練張捷三仍
勾合撚匪抵拒官軍甲三命徐曉峯朱連泰進剿斃捷三
王道人於陣餘黨潰散大兵撤紮臨淮九月徐曉峯誘殺
狡匪宋洪占於雒河集十一月袁甲三因鄉紳之請遣張
家駒朱連泰紮義門集相機剿撚旋移軍亳州五年三月

渦陽風土記卷五

兵事

十

宿州知州郭士亨建議收撫張樂行飭耆老往說樂行反
正許給口糧樂行不用命郭以憂死六月樂行犯蒙城武
舉黃廷萬戰死樂行焚張虎文故里匪黨孫之友投亳州
大營七月樂行焚義門集團練董事遭禍尤慘八月樂行
掠馬牧集朱連泰等軍敗績擄候補知縣史九恩而回九
月樂行復犯蒙城墮其城十月樂行犯亳州圍月餘不下
河南按察使余際昌遣師焚雒河集樂行者老巢樂行回救
亳州圍解此三年中樂行倏降倏叛進退綽如縱橫跌宕所
向無前而所謂統兵大帥者方且翹首江天驚心動魄以
皖北爲不足慮從征之士逍遙河上虛與委蛇賊氛日熾

人人喪其樂生之心轉思擁渠魁爲奇貨競仗策以從借
箸爲樂行籌大計六年正月蒙城歲貢鄭景華李士銛謀
於撚衆尊樂行爲盟主樂行乘肩輿至雒河集祭告天地
宣布信條旗分五色以正鑲遞推遞廣又有八卦水花等
名目各旗統將皆聽盟主調遣三月樂行犯懷遠四月袁
甲三聞樂行猖獗調翼長舒通額副都統克蒙額南陽總
兵邱聯恩懷慶總兵崇安以降人孫之友爲鄉導由歸德
直抵蘆家廟敗黑旗首領蘇天福於五馬溝又敗之於田
家溝天福求救於樂行樂行糾合五旗迎敵甫交綏黑旗
先遁大敗樂行於馬家橋樂行再戰再北官軍由渦河南

渦陽風土記卷五

兵事

十一

岸窮追之於鐵牛嶺樂行竄三河尖是役也撚巢盡覆劍
痛鉅深甲三駐軍太清宮六月官軍追剿樂行於三河尖
樂行竄歸老巢焚殺鄉紳之助官軍者阜陽舉人朱鳳鳴
以勸諭撚衆投誠被屠戮尤慘河北鎮崇安者以帝胄執
兵柄痛粵寇過境有聲譽謂撚匪橫恣蒙亳人士實縱容
之於是殺亳紳張繼唐屠楊園子所過之地凡紳耆之迎
師者皆誣以通匪草薙而禽獮之所殺幾數千百人自亳
之草帽店窮追樂行韓奇峯等東至臨渙孫之友擬引匪
聚殲於宿州山套撚衆據澮河橋相持終日崇安以殺戮
餘威驕不設備匪用龔得計募死士劫營縱火喊殺官軍

大潰西竄幾二百里不能成軍士人亦以崇安之所施者
報之噫捨匪鴟張幾二十年草寇行爲究無與於文明之
數崇安輩逼拶激宕若惟恐革命思潮發之不驟且溥也
迨辛亥之變清廷親貴猶有祖述其說者生心害政邦以
淪胥可哀也夫是年張樂行歸附太平天國蓄髮受印信
膺封爵洪秀全以張樂行爲沃王任柱爲魯王餘賞賚有
差七年正月張樂行赴粵匪之約時李秀成已破六安與
樂行合軍圍霍邱知縣王啟秀潛通樂行廩生鄒霖等誓
死守城破士民死者十數萬人樂行入六安州據之分兵
圍潁上固始命宗禹赴五河打捐撚匪掠糧遠地謂之打捐就地借貸謂之磨灣

渦陽風土記卷七

兵事

宗禹曰士不用命奈何樂行曰殺之至五河飽掠而歸李
兆受以二十營兵船追之宗禹前隊駛不可止張文所屬
黃旗藍邊船十八人宗禹皆殺之投幼孩水中反棹大敗
兆受文見樂行泣訴見殺狀樂行詰宗禹宗禹曰叔命之
矣敢辱明令以取覆敗樂行嘆曰汝真閻王哉宗禹閻王
之稱以此鳳臺諸生苗沛霖跣弛好大言初從樂行爲之
畫策軍中以苗先生呼之尋歸辦團練連圩數十聲震兩
淮勝保督師皖北以花翎五品官撫沛霖沛霖以聲妓蠱
之勝保恨相見晚沛霖怙侈殘忍以剿撚爲名迭破渦之
高爐集焚趙旗屯楊家樓席家樓數至雉河集與集紳王

榮甲以賓禮見及再至精華皆萃榮甲宅沛霖掩入席捲去自是與樂行各樹一幟倏分倏合以趨於亡勝保立白旗軍前曰招撫難民去樂行降者旬日幾十萬檄南陽總兵邱聯恩由汝上游潛濟賊素憚邱號曰邱老虎聯恩得檄即馳入賊壘殺其驍將焦淮浦勝揮軍夾擊樂行大敗斬首萬餘人又敗之三河尖潁上固始圍解六月官軍復霍邱圍樂行鳳關關四面距水樂行糧盡且大疫日輿尸拋淮流勝保以礮船蹙之樂行大困李兆受新交歡李秀成以二十四軍翼樂行走六安撚黨以累戰不利且囊橐充裕謀解散歸農樂行患之其妾杜進曰主人初無意作

渦陽風土記卷五

兵事

三

白頭賊諸堂王強推以爲盟王騎虎而又欲下之可乎今日之事勿庸多言衆感動議遂寢七月袁甲三遣總兵朱

連泰史榮春擊劉狗

即大老淵

圩破之劉走蒙關店八月蒙城

知縣俞可亨復敗之于西陽集九月都統伊興額擊羅和尙於龍山集十月勝保剿匪雒河集旋退駐潁州夫緩轡輕騎交綏而退左旋右抽中軍作好君子曰此皆以兵爲戲者也十一月樂行忌劉永敬

即餓狼

及其侄劉天臺

即小白龍

誘殺之於六安其黨羽遂稍稍散去十二月劉天福回抵鐵牛嶺遇苗沛霖敗之遂入徐家圩據守八年二月楊瑞英據西陽集五月江臺陵孫葵心從樂行大隊由正陽關

東下陷懷遠破定遠臺陵葵心歸老巢是月張宗禹襲清江浦破之清江爲河督駐節之所其武備乃廢弛至此撚黨飽掠各載寶而歸雉河商人有轉鬻以致富者樂行之據定遠也官軍及苗沛霖圍之粵匪忠王及王中率兵趨救圍解九年正月袁甲三罷以徐州總兵傅振邦辦三省軍務都統伊興額副之七月撚撲亳州城知州博銘卻之十月勝保丁憂回旗起復袁甲三代領其軍十年三月樂行遣其黨江臺陵王懷義等擾豫南州縣幾徧所至燔劫千里爲墟閏三月傅振邦圍閻墟撚巢四月克之擒撚首鄧虎等十月苗沛霖反沛霖以功歷保川北道建奉旨團

渦陽風土記卷五

兵事

古

練督辦旗區壽春鳳宿蒙懷等處爲東練阜穎霍及光固新息爲西練偃蹇不法勝保陰縱之以孤樂行之勢及甲三督師欲剿之而力不能時樂行將張龍守鳳陽沛霖率侄開金以官軍圍之敗樂行援師復鳳陽及臨淮定遠各城朝廷僅晉沛霖布政使司銜沛霖以甲三抑已決計反使朱萬隆取鳳陽關尙貫金襲霍邱苗開金犯懷遠穎上與張龔連和遣朱鑫陸長華通款江寧洪秀全以沛霖爲掃北王十一年五月苗沛霖圍壽州八月英翰蒞宿州討兵實羅人才恤孤獨繕城郭剿撫兼施人心響應十月壽州陷十一月張樂行與苗沛霖糾五色旗及粵匪馬永和

等圍潁州府城時安崧巡撫賈禎駐潁州飭署鳳潁道葉春培帶鄉勇守東關副將姚長齡梁世紳帶楚勇守南關副將范文英率撫標親軍守西關記名總兵馬陞帶川勇守西北關署壽春總兵李章帶撫標親軍副將陳義帶廣勇守東北關樂行軍餉皆由苗圩供給自十一月至次年二月圍攻不下地道葯線屢然不轟三月勝保再視師淮北沛霖又受撫樂行頓失後援聞浙江提督鮑超救兵至樂行軍潰沛霖復敗之於潁上樂行走雒河集陳玉成之被賺於苗沛霖也以檻車送潁州勝保大營潁人有對之述城守功者玉成張目曰以龍淵汗邪地道宜無成功城

渦陽風土記卷五

兵事

五

東南林木葦蕩叢雜綿亘倚乘風一把火相餉城中尙有
焦類乎貴府亦幸遇馬呆子耳聞者悚然呆子謂馬永和
也同治元年七月袁甲三病劇回籍命親王僧格林沁統
轄山東河南軍務督撫提鎮均歸節制七月勝保移節陝
西閏八月僧王自夏邑移軍商邱之黃仲集丙午攻蘆廟
撻巢擒李金元斬之九月克廬廟莊進破老莊分軍克邢
大莊毀丁家花園其王莊王路五馬溝岳樓八里莊季棗
園香舖吳廟口各寨相率投誠亳北肅清復進攻亳州東
南渦河兩岸及宿州圩寨破蔣集焚援賊於蘇閣圩十二
月攻韓樓撻寨毀其圩進攻夏橋張橋集諸撻二年正月

張樂行竄宿州同知英翰截擊之樂行遁雉河集退守尹家溝是月英翰用貢生牛斐然收撫楊瑞英李勤邦劉天福等二十餘人二月舒通阿等破尹家溝雉河集兩賊巢進擊之於張村舖樂行悉五色旗衆二十萬迎敵僧王使陳國瑞都統富民阿以驍騎二萬橫衝之樂行大敗攜子走宿州夜扣李勤邦扉勤邦曰香哥耶飲以酒極歡乃潛使人馳告英翰黎明英翰率牛斐然楊瑞英等千餘人掩執樂行及其子獻僧王大營並執蘇天福江臺陵皆凌遲處死十年逋寇一旦縛之如圈豚然漢李固有言破殄寇虜宜更選有勇畧仁惠任將帥者以爲刺史太守魏尙之

渦陽風土記卷五

兵事

六

爲雲中龔舍之爲太山其大效也英翰以功擢潁州府知府仍統軍不任吏事潁亳兵事始有轉機張樂行既死撚仍分爲東西兩股西股爲小閭王張宗禹東股爲魯王任懷邦即任柱專以分合飄忽制勝倏而分數十股使官軍彼此不能分顧倏而合數萬衆使官軍倉猝不及支持倏而遁竄數百里外使官軍跟尋無踪倏而盤旋百十里中使官軍懷疑莫測官軍追勦期年累月不得一遇向所謂漢之宗賊者忽變而爲明之流寇孫傳庭謂勦流寇當驅之於必困之途取之於垂死之日如但一彼一此爭勝負於矢石之間即勝亦無關於蕩平曾李二公即師此意以定

中原時僧軍駐義門集樂行餘黨皆竄伏遠近悚息觀變
三月僧王檄苗沛霖散練歸農以二千人從軍沛霖以奉
命入陝求緩期及勝保被逮僧王移軍山東沛霖度僧王
之終不已容也反意愈熾遂分軍復圍壽州五月撚首張

闖行 即敏

回雒河集張宗禹過定遠亦歸老巢殺楊瑞英西陽

集高爐集皆復從撚劫官軍糧臺旋聞僧王再督師南下
羣撚復分股竄掠是月蔣凝學兵潰臨淮壽州陷曾國藩
亟檄各軍防皖豫鄂各要害九月十四日僧王督師自大
名南下駐亳州十八日進軍高爐集二十日破楊寨楊心
田奔西陽集與葛春元併力拒守二十二日攻西陽集駐

渦陽風土記卷五

兵事

七

軍葛家樓十一月十二日張宗禹由太和竄豫境二十一
日僧王率大軍西行救蒙城沛霖怒練總李南華叛已圍
蒙以南華爲說皖撫唐訓方檄沛霖退兵沛霖不奉命與
官軍相持已十有二月沛霖掘長濠三匝以拒援兵城中
糧運阻絕二十五日連毀賊壘十一座進紮蔡家圩廿六
日督諸軍分路鏖擊賊大潰圍解沛霖死苗初與張比樂
行之敗沛霖與有力焉樂行死沛霖之覆滅隨之沛霖號
知兵殆天奪其魄歟僧王遣翼長蘇克金等收復渦河南
北一百八十餘圩惟西陽集葛春元石弓山項盤等頑悍
尤甚官軍以炮彈焚裂市廛爲墟糜爛慘狀爲樂行時所

未有是月幫辦僧王軍務將軍富明阿皖撫唐訓方先後
奏言撚匪倡亂前撫臣仿堅壁清野使民築圩自衛既而
加磚增堞堅如城郭各立圩主抗錢糧擅生殺甚至尋仇
劫掠如苗沛霖等釀成巨禍宜平毀圩寨革圩長之名目
不得歛費抽丁設局讞事使權歸有司至皖北地方遼濶
并應添設文武職官以資彈壓奉旨俞允此爲渦陽設縣
及龍山立營之始三年正月巡撫喬松年駐軍臨淮臬司
英翰扼雉河副都統克蒙額分防潁宿之間仍備張宗禹
夏五月張宗禹賴文光馬永和圍麻城陳國瑞力戰敗之
麻城圍解馬永和東走皖聞金陵克復赴英翰軍降九月

渦陽風土記卷五

兵事

六

張宗禹擾宿松望江之間東掠潛太僧王赴英山追勦十
月僧王至英山賴文光張宗禹陳大喜復合股趨豫境易
騎而步多所裹脅至鄧州城南任柱謂張宗禹曰黃旗敗
衄之餘請以藍旗前驅黃旗接隊可乎宗禹曰不能衝鋒
焉能接敵今日吾死期也激勵將士一戰而挫僧軍遂圍
鄧州又勝之於確山僧軍翼長恒齡戰死於水推磨滕翼
長死於火燒砦四年二月撚竄山東曹單等縣僧軍接戰
於姜米砦不利猶窮追不已王寢食俱廢恒解鞍小憩引
火酒兩巨觥輒上馬逐賊四月曾國藩聞僧王輕騎追撚
一日夜行三百餘里步兵弗能及曰兵法忌之必蹶上將

擬密陳奏未及而僧邸之兇聞至初撚於三月悉股竄曹州濟寧各屬復渡運河北奔蘭山南趨郟城贛榆將及裏下河僧王求戰不獲朝旨責王逗遛撚奔河套三面阻水僧王以騎兵五千追及之將戰左右請待步軍至不許請休息一二日又不許詰朝未及成列撚數萬奄至遂敗晚駐曹西十八里之李莊宗禹揮軍掘長塹圍之放火鼓噪撚皆袒左臂僧軍奪路出宗禹以大炮轟官軍爲三師大潰僧王死麥隴中

王敗坐麥隴中撚童張皮縋手刃之

撚中諺云打幾箇圈

卽追軍莫及僧王之敗撚卽以打圈之法誤之也五月初

四日朝命曾國藩接辦山東河南軍務旋命潘鼎新率淮

渦陽風土記卷五

兵事

九

軍十營並余在榜開花炮隊千人航海至天津駐景德二州以衛畿輔張宗禹知京師有備與賴文光復至白龍廟石弓山等處十六日犯義門集十七日犯龍山營十八日抵臺子寺北藩司英翰率道員任蘭生史念祖等十七營拒之兩軍相交鎗聲砰訇動地烟塵上蔽天日旋聞人馬嘈雜戈矛擊撞之聲未幾電光驚繞乍開乍合刀影閃爍忽明忽滅如是者三小時陡覺烟塵大開如潮湧堤潰旣而收隊令聞囂聲漸遠見萬馬脫銜轡趨飲於渦濱者皆長髮兵也英翰收散伍退保渦陽城宗禹縱兵圍數重英翰乘夜以數十騎潰出請援師於曾國藩曾國藩於閏五

月行次清江浦初三日至臨渙初八日抵亳州敗撚於渦河北岸十三日敗之於渦北孟窩十五日又敗之於寺兒集十九日破龔圩李莊解義門集之圍六月初三日劉銘傳疊破撚於崔家樓孫家砦石弓山龍山羣撚辟易渦陽圍解張宗禹裝旗於王家窪五孩與任懷邦不協遂分道入豫曾國藩奏言此賊已成流寇官軍勢成尾追擬設四鎮四游之師於撚匪必經之地以有定之兵防無定之賊變尾追爲迎擊制賊不流奏入從之五年張牛任賴分擾湖北由麻城入皖三月仍竄豫四月撲泗州縱橫於皖北各州縣六月曾國藩復建分地設防之議乃察看黃運兩

渦陽風土記卷五

兵事

三

河防務次張秋會直督劉長佑東撫閻敬銘議分汛設守兼採劉銘傳扼守沙河之議與豫撫李鶴年鄂撫喬松年議各分汛地層層緊逼逐撚於西南多田多山之處以湘淮數枝游擊之師鵬勦疏入允之嗣以夷門師潰河防無成臺臣劾督師玩寇曾國藩引咎請病假數月十一月改授李鴻章爲欽差大臣曾國藩回江督本任是年十月張宗禹自汝走宜陽永寧入陝西商州犯華陰十二月敗陝撫劉蓉之師於灞橋三十餘營皆潰遂圍西安曾國藩檄鮑超往援鮑不應命乃檄湘軍劉松山星馳抵關中一戰解同朝圍六年二月大破撚衆於西安初宗禹以陝甘有

回漢之閔擬合回以抗官軍回酋馬艷魁謂漢回不兩立宗禹終漢族乃僞與合使宗禹軍迎戰而自後來擊之宗禹怒結漢練攻回破數十寨且令曰掠回勿掠漢漢民以宗禹庇己且力足抗回也乃棄官軍而附宗禹宗禹勢益熾宗禹入陝歷一年又一月迭擾咸陽同州醴泉三原涇陽延安各州縣十一月破綏德州得任懷邦告急書將出潼關赴東撚有老翁教宗禹曰不可官軍聚山左河北必虛吾引兵出彰懷踰大名直犯畿輔官軍必回軍宿衛則東圍不戰自解矣宗禹從之二十二日宗禹由延安竄延長探龍王場冰橋方結東岸守兵甚嚴宗禹退紮四十里

渦陽風土記卷五

兵事

三

命五孩帶短刀隊五百乘夜渡冰橋拔其鹿角焚對岸敵壘宗禹建大將旗鼓而進遂破吉州道平陽出橫嶺關走澤潞犯懷衛彰時東撚甫平李鴻章駐徐州方馳驛奏捷聞警單騎旨雨至潘鼎新營請其入衛劉銘傳與鴻章有違言曾國藩手書勸勉始允北征七年正月宗禹北擾定州欽差李鴻章豫撫李鶴年皆遭嚴旨譴謫庚申撲保定知省垣有備南趨博野掠深州入東昌四月宗禹涉運入南皮犯天津京師戒嚴詔諸道兵入援湘楚魯豫皖直吉黑之軍先後至李鴻章奏飭堅壁清野重申分地設防之議沿運築壘自張秋屬天津層層逼勒節節兜勦五月庚

辰劉松山陳國瑞張曜宋慶等擊撚德平破之於濱州之
白橋再破之海豐宗禹走吳橋周盛波設伏敗之斬宗禹
之侄張二彪六月十八日豫軍張曜宋慶會諸軍大敗撚
衆於濟陽東北黃河徒駭河之間著名頭目斬獲甚夥宗
禹謀撲運河被水陸各軍擊退踰伏鄆家渡左右宗禹之
渡運也期與任賴合至天津知東股夷滅失望解圍走武
定見餘糧棲敵則大喜謂千里連營事權不一秋高馬健
一呼可涉也至是黃汎陡漲灌運河三尺官軍礮船駛集
又陰雨彌月河海漳運滙爲澤國馬尺寸不能騁居民遠
徙入保芻糧乏絕宗禹大窘二十二日復敗於陵縣僞淮

濶陽風土記卷五

兵事

三

王邱遠才率八百騎降陳國瑞宗禹弟五孩敏行子美秀
而武至是患痘死二十九日冒雨走滄州由高唐奔運河
劉銘傳以生力軍扼之諸軍縱橫決盪張宗道戰死宗禹
以十餘騎遁荏平穿秫鳧水不知所終西撚平宗禹之敗
水死據聞宗禹敗後以百餘騎衝圍出至一村有場房數
間止焉從者僅十八騎見梁上有刈麥鎌取之喜曰此殺
人利器也夜深走出從者覓至河干見宗禹衣履及乘馬
而已其馬號入指轡尹家溝有尹儂者即十八人中之
後投精銳張宗禹之爲人也沈靜好謀其馭衆用兵動與
軍充差官

古會當中國疲勞之餘乃極肆多方亟起以乘其敝倘非
元老壯猷士卒用命其不爲有明甲申之續者幾希卒之
青燐遍野貂蟬盈朝十萬勦饑適足償羊頭冒濫之價朝

野上下怙侈酣嬉以卒亡有清之社稷誰貽之毒宗禹輩當職其咎矣樂行好利逐末去宗禹遠甚顧蜂擁毒螫亦如此則鹽法不良爲之也乃後三十年復有牛師秀劉疙瘡之事牛劉倡亂於光緒二十四年戊戌渦陽縣設縣已三十有五年矣承平日久一時文恬武嬉咏歌太平龍山營遊擊何師程設青雲壇扶乩鬥詩以儒將風流傾動人士知縣桑雋惡聞盜賊陳福元繼之亂機四伏醞釀已非一日渦陽鹽引舊分南北兩綱曹市集石弓山龍山新興集一帶爲蘆鹽引地官運派消店夥恃財凌人時以運鹽短少勒令車戶加倍賠償車頭牛師秀積不能平加以水旱

渦陽風土記卷五

兵事

三

爲災餓殍載道十月知縣歐陽靄蒞渦甫三日即嚴催科且優柔寡斷不克治理繁劇十一月十八日牛師秀劉疙瘡魏德成等香盟於縣東北之柴村廟潛謀搗掠二十六日首劫曹市集鹽店二十七日擾青疇集劫石弓山鹽店時匪衆尙不滿三百益劉天驥百餘人勢始壯聞龍山何遊擊李守備赴壽春爲總兵郭寶昌祝壽是晚乘虛襲龍山飢民冀得升台稟攜囊響應四面雲集駐亳韓金明帶馬隊一哨來援因誤攜槍彈未戰而退次早龍山陷匪大肆焚燒掠遊擊署尤酷圩長張德馨巷戰死之劉疙瘡欲稱盟主魏德成恃勢不服

魏之父曾爲撚匪咸同年間旗幟尙在其家

因分贓

不均劉尤啣恨且忿魏德成鄭得勝等擾其鄉里三十日北走丹城圩長王品剛有智畧聞劉魏交惡設盛筵中庭請盟主升坐魏昂首踞上位品剛率家人羅拜歡呼去劉忿恨幾不終席旋請魏議事手刃魏兄弟三人自稱大漢盟主劉疙痞作亂之名始此同日燕懷軍燕超凡起牌坊集攻義門集不克十二月初三日復攻破之焚掠滿載去是日孫志隆起衆興店初五日邵大法李向善起鄧家集初六日孫伸一周大太趙金郎馮東魯起楚店集李韶趙學宗起李門集與邵大法等合股至柘樹店遂破程家寨殺男婦一百七十餘初八日臨湖舖王俊工彪狸舖鄧懷

渦陽風土記卷五

兵事

三

修同時起盤踞張村舖左右合飢民約萬餘人初九日匪分途四劫馮東魯由張村舖西出王家橋入阜陽界初十日至三塔集破王家砦殺圩長王三哭燕懷軍出張村舖西破周家砦殺楊忠賢又由四大王廟掠阜陽邵大法由李門集合葛懷玉葛大祥劉懷勤等走肥南十一日破馮家寨殺四百餘人孫伸一由李家橋入阜境破關家砦殺關鳳羽匪勢日張先是龍山失守城內戒嚴分電各路乞援知縣與城紳王開朗馬驥才等議開倉賑守城飢民每日每日給小麥一升制錢一百梟奸民李登科擲首城外人心稍定未幾靖威軍張雲松兩營自亳防至卓勝軍王

鳳臺一營自壽州至鳳陽潁州各救兵亦先後至皆駐城中張雲松之自毫來渦也遇賊於張老家會卓勝軍戰於父子橋不利傷哨官一退入城守賊復向東北劫掠時縣人袁大化在直隸聞渦陽飢請賑金三千攜之歸至永城聞變間關抵臨渙適徐州鎮劉煦帶兵四百人赴臨渙防堵遂相商禦敵之策次日劉出隊袁以騎兵數十人先之遇賊於道竹橋相持至晡時鎗擊賊火藥車聲大轟賊驚潰又次日劉鎮搜餘匪至樊將軍廟賊伏黑溝中其任及甥中炮死劉忿甚復整軍追賊數十里殺千餘人其實皆饑民也饑民狃於龍山之役聞賊攻臨渙攜筐篋蜂擁至遇道竹橋潰匪爭問將掠某處猶不知其敗也至

渦陽風土記卷五

兵事

五

是被殺破腹者所食草具宛然聞者哀之後劉匪匿青疇集劉元珍家圩長劉秉忠執而送之官閭家集武舉閭棟選辦團練頗有聲賊之擾張村也其族人閭好文糾眾應之因威脅棟選求濟師棟選計戕之及葛懷玉破馮家寨歸棟選及圩長張殿安率練勇千餘人蹙之於肥河北岸迎擊尾追斬匪首千餘級賊大崩潰葛懷玉邵大法牛師修燕懷軍亦先後被鄉團搜獲餘匪星散壽春鎮將郭寶昌逗留於蒙之小澗集十二日聞捷始至西陽集何師程將已獲匪渠劉疙瘡邵大法葛懷玉燕懷軍繳寶昌即軍前正法劉匪起滅共十七日破砦七而縣城幸無恙夫愚民求食橫遭屠戮情

殊可憫然魏劉實强悍不逞之徒倘非王品剛間之於先
袁大化敗之於後閔棟選挫之於終恐咸同之禍又將復
見可不懼哉事定遊擊何師程以甘言餽歐陽靄竟攘破
劉匪爲己功以彌飾其陷汎溺職之罪通郭寶昌蒙稟邀
賞神乎尤不可及已歐陽去繼任者山東王樹鼎辦善後
頗洽輿論第是年朝廷方勵行變法司牧者不能宣布德
意致使蝟鋒螳斧盜弄潢池亦孔醜己顧國是迄無定議
內訌外患警告頻仍渦人士渴慕新政抑鬱無聊迨辛亥
八月武昌師起皖江南北反正獨立之電紛至沓來十月
初九日牛保裕劉鴻慶據渦陽宣告獨立保裕爲總司令

渦陽風土記卷五

兵事

三

鴻慶爲軍政長以王友松任民政王善繼任財政陸方榮
任司法何從義任外交鄭瑞昭充保安軍營長大會士紳
懸白旗於今之高小校司令以下皆纏白紗爲記十六日
知縣劉敬襄擲印宵遁是時渦中保安軍鄭瑞昭百人駐
義正學堂綠營兵五十人駐守備舊署傅鴻禧防兵六十
人駐界溝口魏其榮巡警兵二十名王家卿帶河下鹽船
兵二十人各具槍支與城中互應聲勢頗震王士秀者卽
王金妮虞城人以世局紛擾聚衆三百餘人響應壽州王
隆庭趨趙觀望始駐永之馬疇橋繼移渦之新興集再進
而至龍山十一月二十日以貿易爲名馬步諸軍長驅自

北門入至石獅子街東口鄭營開槍轟擊相持一小時許鄉紳王鳳嶺劉成斌等大言曰此皆一家人也和議成矣同室尙操戈乎鄭退入營部士秀至縣署城紳二十餘人陸續接見獨劉軍政不至士秀自稱大漢國民軍軍統以黃帝紀年出示安民約法十三條關於禁令者八犯者軍前正法關於指令者五查出軍政府分別賞資二十一日士秀以千金購劉鴻慶移軍政府於合興當店大搜城內外馬及槍械按簿索無幸脫者以馬成驥王蘭爲籌餉員索現金七萬兩王馬以錢三千串及雜糧二百九十餘石應之二十二日孫凌志率鄉民千餘人斬木腰鎌來助城

渦陽風土記卷五

兵事

三

守王士秀諭却之各予以當典衣服皆歡然去二十三日索劉鴻慶急飭軍士分段守城居民入暮即不得往來是夜二鼓劉鴻慶縋城走是時近鄉士紳及城紳之逸出者分電求援或激勵鄉團預備攻城二十六日士秀逼鄭軍出城瑞昭整隊出北門暫駐天主堂二十七日亳州巡防統領李竹銘名其率兵由觀音寺撲城西門鄭瑞昭助之士秀兵據界溝沿塵戰自辰至酉殺傷相當頭目陳馬武中彈死楊澄鑑等以鄉勇沂渦南岸進攻以助聲威城兵四人自老城南憑小村落穴墻攻擊鄉團退却是夜亳軍退至馬套樓次日竟全隊歸亳二十八日士秀燒郝家莊

王家土樓草橋廟朱家樓各村二十九日燒河北張大莊
張大樓及沿河民房十二月初三日江防營統領李紹臣
率五營至龍山初四日早進兵臺子寺哨官某中炮死兩
軍相遇於五道溝士秀軍潘雲登大敗入城李軍追至渦
河而返分軍駐官路口席家樓等處初五日韓大武率毅
軍五哨至駐城西王莊初七日歸德鎮將李永芳率三營
至駐城西馬套樓鄭瑞昭與各援軍聯絡聲氣相機進攻
數日之內各軍與士秀兵迭有衝突無大挫衄士秀雖號
稱軍統而陸振江潘雲登陳馬武龐三傑孫秀峯王軍禮
王廣運竇金山謝得田等皆自成部伍不相統攝入城之

渦陽風土記卷五

兵事

五

始紀律尙能遵守逐漸廢弛非刑勒賄之事日有所聞兼
之藥彈竒窘公私均無所取給是時管鵬南屯關墮集初
十日士秀赴管求濟軍實十三日五鼓城中派健卒百餘
人迎之行三里許鄭瑞昭蹙之於岳家橋激戰四小時
鄭子彈行罄江防營以大軍接敵士秀兵百餘人生還者
僅四人耳十五日亳人周懷清與法蘭西駐渦教士聶思
聰居中調停先是江防營幫統蕭振恒隻身入城與士秀
商和議辦法至是周聶屢續開議迭經磋商給士秀犒軍
開拔費二十一日士秀率衆離渦江防統領李紹臣入城
籌措善後事宜以幕僚劉炳林權縣知事縊殺王鳳嶺及

鄭蘭馨兄弟計士秀據渦凡一月有二日

勦撫遣派統帥表

姓名	官職	任官年分	屯駐地	姓名	官職	任官年分	屯駐地
善祿	河南提督	咸豐三年	永城縣	武隆額	安徽提督	五年	亳州
呂賢基	工部侍郎		舒城	崇安	懷慶總兵	六年	同
周天爵	欽差大臣		宿州	勝保	欽差大臣	七年	督江北軍
陸應穀	河南巡撫		開封府	史榮春	提督	八年	曹州兗州
舒興阿	陝甘總督		陳州	田在田	總兵		
袁甲三	欽差大臣	以上同	宿州	邱聯恩	南陽總兵		
英桂	河南巡撫	四年	開封府	穆勝阿	副都統		安徽

渦陽風土記卷五

統帥表

二五

朱連泰	總兵		亳州	毛昶熙	團練大臣	以上同	河南
僧格林沁	蒙古親王	八年		德楞額	協鎮	九年	曹州
傅振邦	河南巡撫	九年	宿州	勝保	都統	欽差大臣	十年
伊興阿	都統	九年	宿州	曾國藩	欽差大臣	同治三年	
關保	協鎮	同	督河南軍	李鴻章	欽差大臣	七年	

撫匪各旗表

人名	旗色	住址	別號	人名	旗色	住址	別號
張樂行	黃旗	張老家	老樂	張慎德	黃旗	曹市集	頭號雷
張敏行				張闖	張振江		張單樓
張宗禹				小閻王	張慎聰	以上同	曹市集三閻

張清

羅克有黑旗大羅家麻子

張五孩

張朝捷

張宗道

蘇天福

張宗先

趙浩然

張廣

李家英

永城

張營以上同以上同

楊興太以上同張家橋

江臺陵白旗江老家老臺趙鳳珠紅旗大趙莊

孫蔡心同

同老葵李鶴嶺紅旗白邊牛坑李莊三老鶴

龔得白旗黃邊宮記寺瞻子周懷林紅旗黃邊周家樓周萬

程大道白旗江家集二老坎田嚙紅旗黑邊永城

渦陽風土記卷五

匪旗表

三十

韓奇峯藍旗蒙城狼子李允藍旗蒙城大肚子

劉金鼎草寺村山貓劉天臺同順河集小白龍

劉天福順河集保忠雷彥小花旗亳州

劉天祥以上同同李廷彥大花旗同

王萬一黑旗龍山集胡椒大王王冠三黑旗商邱

宋錫元同商邱張龍藍旗黑邊

葛春藍旗黑邊葛樹彬白旗藍邊大牛

楊瑞英藍旗白邊高爐集王懷義白旗黑邊

王大位紅旗藍邊鄧作仁黑旗紅邊

鄒煥林紅旗紅邊李如梅黑旗白邊

周名甲 紅旗黑邊

侯士偉 紅旗黃邊

盛見如 白旗藍邊

相玉山 黃旗紅邊

尹自興 黃旗白邊

渦陽風土記卷五

匪旗表

兵防

古者寓兵於農以爲民也自井田法壞而兵民始分兵之所以衛民者其終反足以擾民管子內政寄軍令唐府兵之制尙存古意趙宋僱役法行而兵皆頑民明清相沿其弊迭見渦因捻匪作亂而龍山有綠營之設綠營蠹而劉圻塔牛士秀有不軌之圖渦人之焦頭爛額屢矣茲斷自設縣爲始覲縷其卒伍編制之跡庶有心自衛者知有擇焉

清同治三年巡撫唐訓方欽差大臣僧格林沁總督曾國藩先後奏請雉河集既設新縣該處附近之龍山地勢極

渦陽風土記卷五

兵防

一

關緊要賴宿亳各營皆有防守專責不能調遣擬請於龍山添設游擊一員與賴宿亳遙爲犄角聯絡聲氣用資鈐束遠壽春鎮節制奉旨依議同治八年始設游擊駐龍山以渦陽全縣四十九堡及阜陽王市集一堡爲管轄區域所屬左營守備一員千總外委各一員額外四員均分駐龍山額設左營兵四百九十名分別留營撥汎南山頭駐把總一員汎兵二十七名分轄龍山集青疇集太清宮殷家廟崔家廟尙義集六堡北山頭駐外委一員汎兵十
一名分轄耿皇寺丁塚集二堡新興集駐把總一員汎兵二十七名分轄新興集重興寺丹城集寶塚集雙溝集

青塚寺六堡曹市集駐外委一員汛兵十一名分轄曹市集順河集柴村廟劉村集四堡石弓山駐額外一員汛兵八名分轄石弓山道住橋二堡另於青疇集安塘一處塘兵五名通宿州丹城集安塘一處塘兵五名通河南永城俱歸左營管理至所屬右營守備一員把總外委各一員額外三員均分駐渦陽縣城額設右營兵五百二十八名分別留營撥汛存城把總分轄汛地雉河集杏花村梁疇村蔡湖西村蒙關村高爐集草橋寺七堡其餘張村舖駐千總一員汛兵四十六名分轄張村舖李門集楚店集三堡王市集駐外委一員汛兵十一名分轄王市集小閭家

渦陽風土記卷七 兵防

集佛嶺集立崗村四堡江家集駐額外一員汛兵八名分轄江家集衆興店二堡劉家集駐額外一員汛兵八名分轄劉家集舊城集馬疇村三堡義門集駐把總一員汛兵十九名分轄義門集趙旗屯彪狸舖三堡西陽集駐外委一員汛兵十一名分轄西陽集蔡湖東村吳林村黃練村草寺村五堡花溝集駐額外一員汛兵八名分轄花溝集臨湖舖二堡另於高爐集安塘一處塘兵五名通蒙城趙旗屯安塘一處塘兵五名通亳州俱歸右營管理復有渦陽水汛哨官一員駐縣城屬右營分汛地上至義門集下至西陽集止長九十里額設馬兵八十戰兵一百六十守

兵五百六十共七百名以上各營汛軍裝器械則有帳房
鑼鼓之屬其官弁兵丁俸薪養廉公費及餉乾年共一萬
三千九百三十三兩有奇由安徽藩庫支領另有賞卹暨
軍流差費藥鉛等項活支銀兩不在此數其軍禮操典每
歲正月擇吉祭旗燹神前一日預設棚帳旗燹羊豕祭品
於教場以把總爲承祭官質明率各兵戎裝至教場行兩
跪六叩禮上香獻爵帛讀祝文畢後復位再行兩跪六叩
禮畢開操習箭靶自開操之後每辰衆兵齊集教場箭道演
習鎗箭三六九日齊集教場習箭打靶操至入伏日止七月
十五日復開操至冬至日止霜降祭旗燹神如正月之儀

渦陽風土記卷五

兵防

三

又儀門集巡檢司弓兵十二名其他民壯舖廝亦皆兵之
支流渦縣晚出設置或未完備無可考稽故從畧焉
辛亥革命清帝遜位所有營汛員弁雲散風流渦陽地處
邊鄙人性强悍防營既撤盜賊愈盛民國元年渦人倡辦
民團一時聲勢頗震是年十二月奉安徽都督柏文蔚令
改辦民警三年十二月奉大總統令又改辦保衛團即渦
人所謂團防是也先是宣統三年十月渦陽獨立安徽巡
防營營官鄭瑞昭帶巡防營兩哨過渦渦人以急需留之
由地方發餉添設爲保安軍民國二年改爲淮北巡緝營
旋又改爲清鄉隊三年皖北鎮守使倪毓棻改編爲皖北

團防第四營併入清鄉隊三月知事張其濬以是年民困災重請裁撤五分之三僅留額兵百名改爲渦陽團防隊六年六月知事唐豫桐添餉增兵改編爲警備隊團防局亦於是時撤銷其編制步兵一營營分四哨每哨兵士六十八名伙夫一名管設管帶幫帶書記官哨設哨官哨長司書生馬隊一哨設哨官歸管帶兼領現已裁去留馬隊六名縣知事爲營務處財政局局長爲軍需官另設參事員以地方紳士委充受上級行政官節制不咨陸軍部註冊經費則取丁地附加軍械則爲公款購領服裝則用灰色領章肩章袖章均以紅色裝之營部設城內駐步兵一哨並駐馬兵四鄉分駐三哨薪餉管帶月支錢一百千幫帶月支四十千哨官月支三十千哨長月支十五千營書月支十六千哨書月支十千號月月支九千四百號兵月支八千四百正日月支八千四百副目兵士月支七千二百伙夫月支四千五百馬隊考渦地自民國以來所辦民團民一名月餉較步隊加倍

渦陽風土記卷七 兵防

警團防科餉募兵已成地方軍隊性質並無團防實際故團防局實同虛設正銀一兩而附加錢二千民力殫矣顧兵數仍不敷分布一旦有事軍餉有加無減可斷言也况大力者之咨調旁觀者之覬覦又有不可思議者夫以官衛民事遠形變以民自衛時近情真其難易較然無待龜筮佩蘭於九年九月依三年大總統公布地方保衛條例重辦鄉團分全縣東南西北中爲五區共分十九團按戶抽丁依法編制甲隸於牌牌隸於保保隸於團團屬於區各有統系各有標幟分操合操農隙舉行民不籌餉兵不擾民於先王匿武之意庶有合焉然事甫推行卽有奸人

破壞而佩蘭不久去任此事已無形停止矣

又縣衛隊八十名設衛隊長一名計分八棚每棚目兵九名伙夫一名月餉由丁漕平餘項下開支縣知事直接管轄